

2020

RUANGMEI

(Modern Indian Language)

Full Marks : 100

Pass Marks : 33

Time : Three hours

Thaylou khang :

- (i) *Latthanv che hei kalangv padeih A, B, C khatnic D twna khaklangclou e.*
- (ii) *Latthanv kaguayna zamh full marks nzat biak margin khou lyanlou e.*
- (iii) *Latthanv kaguayna daw nina e.*

KALANGV – A

(LATCHYAM/PROSE)

1. **Latthanv guay hei latkaeng 50 – 60 dou khou daw o :** 4×2=8
 - (a) *Gaynailungc lev Niamhthayna kancy tuang machun gay hak bammei tei twkumh tina machun gaymei guay amaan kan tw cho hy o.*
 - (b) *Gayriamang puanhmei pary duina hy o.*
2. **Latthanv guay hei latkaeng 40 – 50 dou khou daw o :** 3×3=9
 - (a) *Dr.Thuanreilung Phaomei theilayna maniampuyme mauc kiu twkumhmei mauc tei cho ?*
 - (b) *Guilianneic rui Gayriamang ta twkumh nzianthau kan tu cho ?*

P.T.O.

- (c) Tabui zaeng Gayriamang ta kapammei asacke rui 'puthuamna' twna kaw kan tu cho ?
3. **Latthanv guay hei latkaeng 25 – 30 dou khou daw o :** 2×3=6
- (a) Nowpuy keymei kang tei tabui zaeng ntau h guanh ngam kan tw cho ?
- (b) Tauraenghluange Chwncham Ngai khou chwn nchamcmei lwn how kan makmei tei tabui zaeng rui cho ?
- (c) Tabui zaeng hymei rui aliauhmei hei kaihoughmei gut kan diu khang kaikhambv laanc daicna laancloumei kumh tuang e saa bam tu cho ?
4. **Latthanv guay hei latrian akhat khou daw o :** 1×2=2
- (a) Gaychanghpou mwnlau khou karym gayna puanghmei mwn kiu thow cho ?
- (b) "Syan ntaanvpui chaeng tho kaithyan kumei chaenglwan kumcna chiw tw de." Karuc khou tiilou bammei latbamv hei thow rui saalou tuang cho ?

(LUCHYAM/POETRY)

5. **Latthanv guay hei latkaeng 50–60 dou khou daw o :** 4×2=8
- (a) Luchyam hymei rui Ague Alangh tuang howgaymei azuh saaloumei tei hy pat ro.
- (b) Tui Gaymei' tuang luchyam theilayna thow ta pui gaymei kaw khang cho ?
6. **Latthanv guay hei latkaeng 40 – 50 dou khou daw o :** 3×3=9
- (a) Ntiangbw rui mpungbut khou amanvna lunghmei lwan hy o.
- (b) "Meic rak tatpat puh miktwnna zauc ata,"
Tabui zaeng nruna nac ta meic guay rui miktwnna zauc bam tw cho ?
- (c) 'Chaengpaenge Thingbang' khou hymei rui maansei ramsii saaloumei tei hy pat ro.

7. Latthanv guay hei latkaeng 30 – 40 dou khou daw o : 2×3=6
- (a) Hymci Ragongning Gangmei theilayna lat thouc tabui cho ?
- (b) Ntiangbw rui amanvna lunghmei lwan duina hy o.
- (c) Tabui zaeng rui nchumhmei latzan mi mbaanv khou mphang mak ge twna nruna nac rui saa bam tw cho ?

8. Latthanv hei latrian akhat khou daw o : 1×2=2
- (a) Kandih Gaanphiu hei twkumhmei gaanphiu e twna hymci Ragongning rui saalou cho ?
- (b) “Kin kathuih nai bam khang
Aniu zaat, apui zaat tuang lukhulc swna.”
Tabui ta cho hymci rui mi latbamv khou iukhuk’ saa bammei hei ?

KALANGV – B

(PAHMEI / READING)

9. Latdangv hei pac lana latthanv guay hei latkaeng 25 – 30 lunge khou daw o: 2×5=10

Maansei panty khou ningngam mak liangmei akhat tho kamei kandihmei khang taanclou ngammei lwn thay makna katuang maran theic bin kanmei tei e. Mi hei panty tho nai tiki ringclou duh makmei twmei kiu e. Kata ramh lam akhat na khou sihnic tichadaalou makmei e. Gaymei nganvbamv lwn thay makna panty tat kanmei kiu kamei e. Kamei zawsimei panty swna lungclou khwan the. Zawsime

di the zawpaw khang zaythaulou makmei mei e. Alauc tat chadaa nii bammei ta titat chadaalou pwkhou suai makna bowkey pwni de. Bowkey the twmei hei zawsiimei di the tw tuang hamh e. Kata zaythaulou datna titat chadaalou dat khang nai e, hamhethci kamei panty nganv tat thay mak nzut bam nuh e.

Bowkeyna dingthau dat makmei tho zawsiimei kiu di the. Zawpawmei twmei tho bowkey liang 99 pwkhou dingthau liang 100mei ta de. Lau luange pak chadaamei nunc rui bowkeypui sik dingthau datna pak bam reyme phaykaamv khang suange pak tanc dat re. Bow bam sihnic katuang nganvbamv kalung khou nsui tiplouna pak suak ge. Kum tina kaswan laatow e. Panty lauluange khou tho pak tanhmei na rui zawpawmei sw mak ge. Tangclou nipui bamv thayna pak suakmei rui nthuk ranv de. Takuanh pak tanc e twna takuanh kang hei kaniw panty lwnlung khou gay kasuanthau mak ge. Kalamthu kaniw pak tanc bam sihnic kaniw tuang nganvbamv lwn thay mak ge.

- (a) Hyme rui tabui kumhmei panty ta 'panty tho nai tikh ringclou duh makmei' panty e saa tw cho ?
- (b) Gaymei nganvbamv lwn thay makna kapanty luai kanmei mei kiu twkumhpui mei cho ?
- (c) Tabui zaeng hyme rui 'bowkey the twmei hei zawsiimei di the tw tuang hamh e' saa tw cho ?
- (d) Panty lauluange pakmei khou zawpawmei twmei hei tabui ta cho ?
- (e) Tabui zaeng pak tanhmei takuanh kang hei gay kasuanthau mak bam tw cho ?

10. Kabange khou tiiloumei latdangv hei pac lana

(a) Note kasiameh o.

3

(b) Note khou tei rui *Summary* hypat ro.

3

English lat hei kasuc swmei lat akhat re kazaeng tho kandihmei mei rui thay geicliangmei lat swpui zaeng hamh e. Mi kiu ni ningtow nuhmei lam akhat re. Milton lev Shakespeare lat swpui zaeng rui ni hamh e, mi lam kiu ni amuclou nuh mak ge. English lat hei kasuc swmei lat re kalamthu mi hei kabamv kathuih kaikhamv swna laanclou e. Mi kaikhamv tei aniu rui mbanghlou e thei aniu panty aniu raana sw amaan bam tuang e. Mi hei science lev technology lat re, saengthau daicthaumei lat re. Mi lat ta ntaamvmei tho kandih tuang saengthau daicthaumei ta ntaamvmei lev nchame e. English thay mak sihnic French, German hamhethci Spanish thay e thei nuh de ning bam nuh e. Nchumh de, tiki daicthau khang tho English lat thaymei khourui guangmei kumc katumc ni tu hamh e. India khou saa bammei lat kaguay thay dut bam sihnic English thaymei na rui kandih tuang daicthaumei lwan khou chaeng hu kan ni de. Thowkumhmei khang tho English thaymei rui panty tuang phybamv gaymei sw the. Kunghmei bamv azuh khou rui duakmei panty swna lunge the.

KALANGV – C

(HYMEI / WRITING)

11. Tiiloumei *Outlines* khourui pary hysuak pat ro :

4

Reynunge Guangh Solomon Isrealmei guangcNingtyng
levngamv Khiwkhingh padikna khatnic panty amanvna
ramvnow 300, kapumtan tanhmei takuanh 40,000 kahawmei kaguay
mik rui howmei kaguay nsa de nsa de

12. Thowkumhmei tuang theihbeih mung akhat khou nang tatlou kanmei ta ningna mi nunge nang tabui sw kan cho twmei makumhna nang tuang diary khou hypui lwan hypat ro. 4

13. Kabange khou tiiloumei latbamv hei tiiloumei **Outlines** sinswna Essay latkaeng 180 – 200 dou khou hy o. 8

(a) Nang rui Kahaw liangmei Latrik

[**Outlines:** *Nang rui latrik pahmei chav – tabui zaeng kahaw tw cho-gaengmei laatowmei – luailoumei*]

Hamhethei

(b) Aliauhmei ramsi

[**Outlines:** *Kahouhmei – tabui zaeng – twkumh e thei amaan nuh cho-panty khang amaanmei – luailoumei*]

14. Nwmmei lev India ricmei kang rihou thau khou rui India ricmei asackc kabiuh the. Kumtina namv khou kakhuay mackna lunge bammei tunaa-pangnaa ta India ricmei rui rairiu bam the. Mi lwnlung ta howlouna Chuzaenghlu Daenghmei rui Luangmai tuang Deputy Commissioner khou saahyam suanhyamlou khang taldyn akhat hy e. Mi taldyn kiu hy pat ro. 8

Hamhethei

Tamenglong tuang DC office khou Office Assistant taanvbamv khang taanv kaw bam e. Mi taanv khang tei nang tuang bio-data kazauhmei taanvdui taldyn akhat hy o.

KALANGV – D
(LATRIAK / GRAMMAR)

15. Tiiloumei latkaeng khou rui ruaknac khamvkhakh khwangwan khou kalaic patna kabah patmei latrian akhat-khat hy pat ro. 1×2=2
- (a) dwng
- (b) rac
16. Tiiloumei latkaeng sinswna Hamhmei Ndauhmei Latrian (Negative Sentence) ro. 1×2=2
- (a) hamh
- (b) mack
17. Mi latrian nei tuang Kidaamei Gat (Degree of Comparison) dine o 1×2=2
- (a) Gaykupou kahyang mbamv e.
- (b) Nzianmei latsav ndeih liang e.
18. Latthanv hei pac lana tiilou bammei latdaw padeih pangc khou rui nchumh liangmei latdaw kapah pat ro: 1×4=4
- (a) “Aluang langvna hah lahla e.” Mi latrian khou ‘lahla’ hei
- (i) latmii e
- (ii) latpaa e
- (iii) latriannac e
- (iv) latthiap be.

- (b) "Tingzingh khou kamik how la makna katham kathuina tat quang e." Mi latrian khou rui Kazi Latpaa kiu –
- (i) 'Tingzingh khou' twmei hei e
 - (ii) 'kamik how' twmei hei e
 - (iii) 'katham kathui' twmei hei e
 - (iv) 'tat quang' twmei hei e
- (c) "Kai Numci" twmei hei –
- (i) Kai mai raw ngammei ta e
 - (ii) Kai khou how kazii makmei lwnlung howmei ta e
 - (iii) Kai khou gin bangv nuh makmei ganv ta e
 - (iv) Kai khou suc nuhmei naimei ganv ta e
- (d) "Ravpui nu ndyna" twmei lev nchamcmei kabah tho –
- (i) Meic swluai swtiat re - twmei e
 - (ii) Meickhaamv ta kahi nu e - twmei e
 - (iii) Meiczak hak ge - twmei e
 - (iv) Meic saa nupui lat re tyki - twmei e
-